




VARY MANITRA

Lalambarotra any ivelany





Atolotry ny FOFIFA
ho anao :

Ireo torolalana
momba ny fambolena
« **VARY MANITRA** »
(Riz aromatique)

FANAMARIHANA MANOKANA

- ♦ **Natokana ho an'ny tanimbary mididrano sy voafehy**

Ireto vary manitra (**RPSC 148 sy LST 147 (B)-204**) ireto dia natokana ho an'ny **tanimbary mididrano sy voafehy** ary fomba fambolena manarapenitra no tsara ho azy.



- ♦ **Mitovy lenta amin'ny karazam-bary BASMATI :**


- ♦ ny **hanitra** sy ny **toetran'ny voam-bary** (lava manify (long grain slender), mangarana tanteraka (translucide), fotsy, malefaka andrahoina).
- ♦ **Nefa manan-tombo be amin'ny Basmati** izy ireo satria mamokatra ary mamaly zezika raha toa ka ambany ny vokatra azo amin'ilay voalohany.



Ny antsimpirian'ireo toetrany ireo dia hita ao amin'ny fiche de caractérisation natao ho an'ny tsirairay amin'izy ireo.

- ♦ **Ho an'ny mpanondrana**

Ity torolalana ity dia natao indrindra ho an'ireo afaka mamokatra sy manondrana na mahita lalambarotra any ivelany.



FOMBA FAMBOLENA

Mety amin' ny fomba fambolena amin'ny tany mididrano na SRA na SRI ireto vary manitra ireto.

- ♦ **Tsindriana manokana nefa fa manintona ny voalavo ny hanitrany ka mila arovana amin'izany :**

manomboka amin'ny tanirarabary , eny antanim-bary rehefa bevohoka sy mamony ka hatramin'ny fijinjana, eny na ao amin'ny fitehirizana aza

- ♦ **Rara-bary (pépinière)**

Diovina ny manodidina ny tany rarabary ary tsy asiana lobolobo mba tsy hisian'ny voalavo. Potehina ny tomoro (diguette) taloha ary aleo manao vaovao fa tranom-boalavo ireny.

Amboarina toy ny mahazatra ny tanirarabary: bainga sy fanapotehina ny tany amin'ny angady, na charrue, na masinina.

Fatran'ambezo:

6 kg ho an'ny tanimbary 1Ha raha SRI
20-30kg ho an'ny tanimbary 1Ha raha SRA

Haben'ny tanirarabary :

1 ara raha SRI
2-3 ara raha SRA



FOMBA FAMBOLENA

Thermothérapie na fiarovana ny zanabary amin'ny aretina amin'ny alalan'ny rano mafana

Fomba naelin'ny FOFIFA mba hisorohana ny aretina entin'ny olatra na bakteria, sady tsy misy fandaniana no mora fampiasa ary tsy mandoto ny tontolo iainana.

Alohan'ny hampitsimohana ny vary ambezo dia sasana ary alona rano mafana 55°C ny ambezo mandritra ny 20 minitra. Io hafanana 55°C io dia azo raha afangaro ny rano mangotraka 90° C amin'ny fatra mitovy amin'ny rano mangatsiaka.

Ohatra: 1 seu rano mangotraka + 1 seu rano mangatsiaka

Marihina fa ireto vary manitra ireto dia tsy mahatohitra aretina RYMV sy aretina entin'ny olatra ka ilaina ny fiarovana azy mialoha amin'ny alalan'ny thermothérapie.

Fampitsimohana ny vary na prégermination:

Ajanona milona anaty rano ny ambezo ka atao 1/2 ny alaliny ny vary ny rano eo ambony na sahala amin'ny ranombary ho andrahoina. Dia avela indray andro raha mafana ny andro ary 2 na 3 andro raha mangatsiaka. Mila tazana mangarangarana ny tsimoka amin'ny voambary vao ajanona. Dia ariana ny rano ary sasana in2 na in3 ny vary mba hanala ny fofona . Ariana tanteraka ny rano ary atao anaty gony ny vary dia ahotrika amin'ny toerana mafana tsy azondrivotra mba tsy ahamaina ny voa mandritra 1 andro monja dia ampy. Tsy lava ny tsimoka amin'izay fa mibontsina ivelany hodibary fotsiny. Tonga dia afafy ny ambezo eo no eo.

FOMBA FAMBOLENA

Zeziika

Zeziika urée 500g/ara iray erinandro aorian'ny famafazana, atao fafy katrana.

Fanongotana

SRI: 8 andro aorian'ny namafazana, sorohina amin'ny angady na pelle.
SRA: 15 andro aorian'ny namafazana

♦ Tanimbary

SRA

Fiasana ny tanimbary:

Maro ny fomba fiasana tanimbary: bainga arahina hersa sahala amin'ny tanirarabary fa lalina kokoa (20sm), na revorevo amin'ny Kubota indrindra ho any tanimbary jeby.

Lomahana, diovina ary ampitoviana tanatana ny tanimbary

Fanetsana

Daty : 10 may – 10 jona raha jeby aty amin'ny faritra Boeny fa mety hafa ny amin'ny faritra hafa

Fomba fanetsana : 2 isampototra
Mielanelana 20sm x 20sm

Zeziika

Ny famafazana urée dia ahazoana tombom-bokatra kokoa

Fatra: - 100kg/Ha raha urée perlée, atao indroa mamafy: ny antsasany

50-60 kg/Ha raha urée granule, voany iray ho an'ny fototra efatra, asitrika 7sm amin'ny andro anetsana ka hatramin'ny 7 andro aorian'ny ketsa.

Fikojakojana ny voly

Indray na indroa miava ny vary ary 20-30 aorian'ny nanetsana ny ava voalohany ary 20-30 andro aoriana ny faharoa raha ava tanana no atao

Raha mampiasa sarcleuse kosa dia io no mahasolo ilay ava voalohany dia arahina tanana amin'ny faharoa

Toy izany koa raha mampiasa herbicide dia amin'ny fotoan'ny ava voalohany no atao dia arahina ava tanana amin'ny faharoa. Herbicide 2,4D no fahita indrindra ary 1- 1,5L/Ha no fatrany. Misy koa ankehitriny ny herbicide "Naman'ny vary" ka araho ny toromarika eny amin'ny tavoahangy.

FOMBA FAMBOLENA

SRI

Fiasana ny tanimbary:

Mitovy amin'ny SRA ihany fa ny fampitoviana tantana ny tany no manatombo satria mila atao marindrano ny tanimbary .

Fomba fanetsana: 1 isampototra ary raisina miaraka amin'ny tany ny zana-bary 8 andro

Elanelan-ketsa: 30sm x 30sm

Fikojakojana ny voly:

Fiavana: mila avaina amin'ny sarcleuse ny voly mba hampisy rivotra ny fakan'ny vary no mba tsy hampaniry ahitra mihitsy.

Folo andro aorian'ny ketsa no fiavana amin'ny sarcleuse voalohany ary averina in2 na in3 mielanelana 10 andro.

Ritina matetika ny tanimbary mba ampisy rivotra ny fakambary

Zeziika : voalaza fa raha araka daholo ireo fepetra momba ny zana-bary tanora sy ny fiavana matetika ary ny fandritana rano matetika dia ampy amin'ny fanomezana zana-bary maro izany ka tsy mila zazika fanampiny.

♦ Fiarovana ny voly

Ny voalavo no fahavalo voalohan'ny vary manitra ka maromaro no fomba iarovana azy:

- ♦ Arodana ny tomoro na diguette taloha ary manamboatra vaovao
- ♦ Asiana elanelana 40 sm miala amin'ny tomoro na diguette ny ligne na ketsa
- ♦ Avaina tsara any voly mba tsy ampisy lobolobo anelanelan'ny lignes
- ♦ Diovina (faucardage) matetika ny tomoro na diguettes mandrapialan'ny vary eny antsaha
- ♦ Asiana poizimboalavo eny ambony diguette

